

CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DE RIBADUMIA PARA A EXECUCIÓN DO PROXECTO “URBANIZACIÓN RÚA CONDESA E ÁREAS DE ESTACIONAMENTO. BARRANTES - RIBADUMIA”.

INTERVEÑEN

Luis López Diéguez, na súa condición de presidente da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do Réxime local.

David José Castro Mougán, alcalde do Concello de Ribadumia, no exercicio das competencias que lle atribúe o artigo 21.1.b) da Lei 7/1985, de 2 de abril, reguladora das bases do Réxime local.

Carlos Cuadrado Romay, secretario xeral da Deputación Provincial de Pontevedra, dando fe da formalización.

Ambas partes reconécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.

MANIFESTAN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de réxime xurídico do sector público, 57 da Lei 7/85, de 2 de abril, reguladora das bases do réxime local e 198 e seguintes da Lei 5/97, de 22 de xullo, de Administración Local de Galicia.

II.- Que a Deputación de Pontevedra, está concienciada sobre a necesidade de aumentar a seguranza viaria en toda a rede de estradas da provincia, facendo especial fincapé nos tramos que transcorren por espazos urbanos ou núcleos rurais dos distintos concellos, cumprindo co deber de asistencia que debe prestar segundo o disposto no artigo 36 da Lei 7/85, de 2 de abril, reguladora das bases de réxime local. Por ese motivo, o organismo provincial quere levar a cabo intervencións neste senso no seu propio viario e está a facer una replanificación profunda e conceptual das actuacións en materia de mobilidade, con especial fincapé na protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que as vías provinciais ofrezan unha mobilidade universal nun espazo continuo de seguranza viaria.

III.- Que segundo dispoñen os artigos 26.1 da Lei 7/1985, de 2 de abril, reguladora das bases do réxime local e 81 da Lei 5/1997, de 22 de xullo, de Administración Local de Galicia, os municipios deberán prestar ós seus cidadáns, determinados servizos públicos en función da súa poboación.

IV.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións que dirixan a súa actividade a asegurar a prestación integral e adecuada dos servizos de competencia



municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións establecidas pola normativa vixente.

V.- A Deputación de Pontevedra é titular da estrada provincial E.P. 9506 Barrantes - Vilarinho, que transcorre polo Concello de Ribadumia.

VI.- A E.P. 9506 é unha estrada de dobre sentido de circulación e de sección variable cuxa zona de actuación está situada integramente no Concello de Ribadumia. Ao longo do treito atopamos unha sección con dobre sentido de circulación e beirarrúas estreitas en ambas marxes (a excepción dos últimos cen metros da zona de actuación na marxe esquerda que presenta unha cuneta) sen prazas de estacionamento e con beiravías entre a zona de calzada e as beirarrúas, o que da lugar a situacións de risco e inseguridade para os usuarios.

Prétendese mellorar as condicións de seguridade e mobilidade mediante a urbanización da Rúa Condesa (treito inicial da EP 9506 do P.Q. 0+115 ao P.Q. 0+420) e a execución das áreas de estacionamento nas parcelas anexas ao viario indicadas nos planos, situados na contorna do conxunto educacional e deportivo que conforman os edificios do núcleo urbano de Barrantes.

O obxecto do proxecto é unha actuación urbana que recolla os anacos de espazo que actualmente existen na contorna da Rúa Condesa, facendo deles unha unidade coa rúa, e acondicionalos como dúas áreas de estacionamento para servizo dos autobuses escolares e acceso aos centros educativos e para servizo das instalacións deportivas. O proxecto modifica o trazado e sección da Rúa Condesa ampliando a zona de beirarrúas, executando novas beirarrúas máis amplas de formigón coloreado e unha banda de aparcadoiro en liña na marxe dereita con pavimento de lastro de formigón. Ademais, en dúas parcelas adxacentes de titularidade do Concello acondicionaranse dúas zonas de aparcadoiro.

O proxecto prevé a maiores a construción de pasos de peóns sobreelevados, a instalación da rede soterrada de alumeadado e a renovación das luminarias existentes no viario provincial, a instalación das canalizacións soterradas da rede de telecomunicacións e a execución da rede de drenaxe.

Por último contéplase a execución dalgunhas zonas axardinadas, a instalación do mobiliario urbano e a execución da sinalización horizontal e vertical no treito de actuación ademais da reposición daqueles servizos que se vexan afectados.

VII.- Con fundamento en canto queda exposto, e sendo patente a vontade de colaboración das entidades comparecentes, ámbalas dúas partes acordan a subscrición do presente convenio, consonte ás seguintes:

CLÁUSULAS

Primeira.- Obxecto

O obxecto do presente convenio é establecer as condicións que rexerán a colaboración entre a Deputación de Pontevedra e o Concello de Ribadumia para a execución do proxecto de obras de “URBANIZACIÓN RÚA CONDESA E ÁREAS DE ESTACIONAMENTO. BARRANTES – RIBADUMIA”.

O obxecto principal do proxecto consiste na actuación urbana que recolla os anacos de espazo que actualmente existen na contorna da Rúa Condesa, facendo deles unha unidade coa rúa, e acondicionalos como dúas áreas de estacionamento para servizo dos autobuses escolares e acceso aos centros educativos e para servizo das



instalacións deportivas, así como a modificación do trazado e sección da Rúa Condosa (EP 9506) ampliando a zona de beirarrúas, executando novas beirarrúas máis amplas e unha banda de aparcadoiro en liña na marxe dereita.

Ademais, levarase a cabo unha serie de actuacións como son a execución de muros de sostemento precisos, a execución da rede soterrada de alumeadado e renovación das luminarias existentes no ámbito da obra, a execución da rede soterrada de telecomunicacións e a execución da rede soterrada de pluviais nas zonas que carezan dela e adaptando a existente á nova sección da rúa Condosa, a execución de zonas axardinadas, a execución de pasos de peóns sobreelevados, a execución da sinalización horizontal e vertical, a instalación de mobiliario urbano e a reposición de servizos afectados.

Segunda.- *Importe do convenio.*

O importe o que se refire a presente actuación ascende a cincocentos oitenta e dous mil douscentos dezasete euros con trinta e tres céntimos (582.217,33 €), máis cento vinte e dous mil douscentos sesenta e cinco euros con sesenta e catro céntimos (122.265,64€) en concepto de IVE, o que ascende a un orzamento total de setecentos catro mil catrocentos oitenta e dous euros e noventa e sete céntimos (704.482,97 €).

Terceira.- *Financiamento.*

As obras serán financiados pola Deputación de Pontevedra e Concello de Ribadumia mediante a achega das cantidades relacionadas de seguido:

Organismo	Achega	%
Deputación de Pontevedra	493.138,08 €	70
Concello de Ribadumia	211.344,89 €	30
TOTAL OBRAS	704.482,97 €	100

A Deputación financiará a súa achega con cargo á aplicación 23/456.4530.612.02 do vixente Orzamento Provincial do ano 2023.

A achega do Concello de Ribadumia será de 211.344,89 € (30% do importe das obras) financiase con fondos propios. Este importe da achega do Concello financiado con fondos propios deberá selle ingresar á Deputación á formalización do convenio.

De selo caso de que se financie a cargo da subvención do Plan Concellos, xerárase crédito na aplicación orzamentaria que corresponda. O importe do financiamento con cargo a esta subvención está condicionado á aprobación do plan pola Deputación e por contía suficiente correspondente ao Concello de Ribadumia.

Estas operacións deberán efectuarse, unha vez aprobado o Convenio, e antes de aprobar o expediente de contratación correspondente, debendo acreditarse naquel a plena dispoñibilidade de todas as achegas, tendo en conta o disposto no artigo 116.5 da LCSP.

De conformidade co disposto no artigo 116.5 da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en diante, LCSP), unha vez



aprobado o Convenio, e antes de aprobar o expediente de contratación correspondente, acreditarase a plena dispoñibilidade de todas as achegas que financian o investimento.

Os demais gastos derivados da actuación obxecto do presente convenio, tales como os contratos de servizo accesorios para a dirección, control e seguimento da execución de obras, recuamento de servizos ou o control arqueolóxico da mesma, serán financiados pola Deputación de Pontevedra.

Cuarta.- Incidencias no desenvolvemento da obra.

Calquera incidencia que poida xurdir no desenvolvemento das obras e se produza un incremento do custo por excesos de medición, revisión de prezos ou por causas imprevistas que obriguen a unha modificación do proxecto, será financiada de conformidade cos coeficientes dispostos na cláusula terceira. No caso de producirse unha diminución, sempre que a achega do Concello sexa con cargo a fondos propios, será devolta a cantidade sobrante.

Quinta.- Obrigas do Concello.

O Concello de Ribadumia obrígase a:

- 1) Obter as correspondentes licenzas e tramitar ante outros organismos as autorizacións pertinentes que fosen precisas.*
- 2) Obter as cesións dos terreos necesarios ao borde da estrada para poder acometer as obras segundo as necesidades indicadas no proxecto. A obtención das cesións será condición indispensable antes da aprobación inicial do proxecto construtivo e polo tanto en ningún caso se poderá iniciar a licitación da obra sen as mesmas.*
- 3) Levar a cabo a conservación e mantemento das zonas peonís obxecto de convenio, así coma dos servizos de carácter municipal que se executen (alumeado público, xardinería e mobiliario urbano, etc.), logo da comunicación da Deputación de Pontevedra de finalización das obras.*
- 4) Solicitar a transferencia dos viais que a continuación se relacionan, de conformidade co establecido na Lei 8/2013, do 28 de xuño, de estradas de Galicia e Decreto 66/2016, de 26 de maio, polo que se aproba o regulamento xeral de estradas de Galicia tendo carácter o presente convenio de documento de solicitude formal de iniciación do procedemento:
 - Treito inicial de 305 m de lonxitude da E.P. 9506 Barrantes – Vilariño, dende o P.Q. 0+115 ao P.Q. 0+420*
 - Treito final de 317 m de lonxitude da E.P. 9505, Ramal Igrexa Barrantes, dende o P.Q. 0+562 ata o P.Q. 0+879*
 - Treito antigo de 358 m de lonxitude da E.P. 9305 Coirón – Ribadumia – Leiro, situado na marxe esquerda do PQ 9+100**
- 5) Antes da sinatura do presente convenio, o Concello deberá achegar á Deputación de Pontevedra o compromiso do acordo adoptado polo órgano que legalmente teña atribuída a competencia conforme á lexislación propia do réxime local, á que fan referencia os apartados 2), 3) e 4.*
- 6) Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.*



Sexta.- Obrigas da Deputación Provincial de Pontevedra.

- 1) Correspóndelle a supervisión do proxecto técnico de “URBANIZACIÓN RÚA CONDESA E ÁREAS DE ESTACIONAMENTO BARRANTES - RIBADUMIA”, así como a licitación, dirección, execución e recepción das obras.*
- 2) Unha vez producido o acto formal de recepción das obras pola Deputación de Pontevedra, esta porao en coñecemento do Concello, entendéndose que tal comunicación determina o momento da obriga asumida polo Concello na cláusula quinta 3) precedente, sen prexuízo das responsabilidades que correspondan ao contratista derivadas do contrato de obras e para esixir o cal, a Deputación de Pontevedra, poderá adoptar todas as medidas que considere necesarias.*
- 3) Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de réxime xurídico do sector público e da súa normativa de desenvolvemento.*

Sétima.- Compensación de débedas.

O Concello de Ribadumia faculta expresamente á Deputación para reter e compensar con cargo ás cantidades que lle poidan corresponder toda clase de débedas vencidas e pendentes de pago.

Oitava.- Comisión de seguimento e control.

Para o seguimento e control do cumprimento do presente convenio , así como para aclarar as dúbidas que suscite a súa interpretación, constitúese unha Comisión de Seguimento da que forman parte o presidente, o alcalde ou persoas nas quen deleguen, o secretario xeral da Deputación de Pontevedra ou persoa na que delegue e un representante técnico de cada Administración.

As súas funcións, entre outras, serán as seguintes:

- Impulsar e avaliar o cumprimento do presente convenio, proponendo as actuacións que se consideren precisas.*
- Proponer a interpretación, en caso de dúbida, do contido do mesmo.*
- En caso de que xurdiran controversias na aplicación do convenio, proponer ás partes a resolución das mesmas.*

Esta comisión reunirse dentro do prazo de tres días, a contar dende a petición expresa realizada por calquera das partes.

Novena.- Vixencia do convenio:

O presente convenio entrará en vigor na data da súa firma e terá vixencia ata o remate das obras obxecto do mesmo, en todo caso ata o 31 de decembro de 2025.

A vixencia do presente convenio poderá prorrogarse coa conformidade expresa das partes intervenientes.



En calquera caso os efectos económicos do convenio entenderanse ata tres meses despois da liquidación do contrato da obra, unha vez rematado o período de garantía. Calquera incremento do custo neste período será financiado de conformidade cos coeficientes dispostos na cláusula terceira do convenio.

Décima.- Resolución:

Serán causas de resolución o incumprimento das obrigas derivadas deste convenio de conformidade co disposto na normativa vixente.

Undécima.- Normativa aplicable.

O presente convenio ten natureza administrativa, rexéndose polas cláusulas establecidas e:

- *Lei 7/85, de 2 de abril, reguladora das bases de réxime local.*
- *Lei 5/97, de 22 de xullo, da Administración Local de Galicia.*
- *Lei 40/2015 de 1 de outubro, de réxime xurídico do sector público.*
- *Bases reguladoras da execución do orzamento da Deputación de Pontevedra para o exercicio 2023.*
- *E demais normativa de obrigado cumprimento.*

Asemade, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula novena, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente convenio na data da súa sinatura dixital.